



Republika ng Pilipinas  
Lalawigan ng Bulacan  
**BAYAN NG MARILAO**

# Tanggapan ng Punong Bayan

## ATAS TAGAPAGPAGANAP BLG. 2020 - 12

### NAG-AATAS SA REORGANISASYON NG “LOCAL PRICE COORDINATING COUNCIL (LPCC)” SA PAMAHALAANG BAYAN NG MARILAO, LALAWIGAN NG BULACAN

**SAPAGKAT**, para sa interes ng serbisyong pampubliko at sa patuloy na pagtaas ng presyo ng mga pangunahing bilihan, ang lahat ng mga Lokal na Punong Ehekutibo ay mariing hinikayat na buhayin ang kanilang *Local Price Coordinating Council (LPCC)* upang mapangalagaan ang mga mamimili at masabaybayan ang pagsunod sa itinatakda ng *Republic Act No. 7581* o ang *Price Act*, at ng *Republic Act No. 71* o ang *Price Tag Law*;

**SAPAGKAT**, ang mga Lokal na Yunit ng Pamahalaan ay inatasan ng mga nabanggit na batas na protektahan ang karapatan ng mga mamimili sa pamamagitan ng paggawa ng isang mabisang sistema sa pagsulong ng kapakanan ng mga ito;

**SAPAGKAT**, kinakailangan ang reorganisasyon ng umiiral na “*Local Price Coordinating Council (LPCC)*” upang isaalang-alang ang pagbabago sa komposisyon ng ilan sa mga miyembro nito;

**NGAYON, SAMAKATWID**, ako, **RICARDO M. SILVESTRE**, Punong Bayan ng Marilao, Lalawigan ng Bulacan, sa bisa ng kapangyarihang ipinagkaloob sa akin ng batas, ay nag-aatas:

**SEKSYON 1. REORGANISASYON NG “LOCAL PRICE COORDINATING COUNCIL”**. - Sa pamamagitan ng Atas na ito ay muling binubuo ang *Local Price Coordinating Council (LPCC)* para sa kaigsian) sa Pamahalaang Bayan ng Marilao, na binubuo ng mga sumusunod:

<b>Tagapangulo</b> :	<b>IGG. RICARDO M. SILVESTRE</b> Punong Bayan
<b>Pangalawang Tagapangulo</b> :	<b>G. WILFREDO D. DIAZ</b> Pambayang Tagapangasiwa <b>G. FROILAN R. ANGELES</b> Kawaksing Tagapagpaganap
<b>Kasapian</b> :	<b>IGG. IRMA G. CELONES</b> Tagapangulo, SB Lupon ng Kalakalan, Komersiyo at Industriya <b>GNG. EDNA I. BAUTISTA</b> Pambayang Tanggapan ng Inatang-yaman <b>G. MARTIN ARMANDO C. CRUZ</b> Pambayang Tanggapan ng Pahintulutan at Paglilisensya ng Negosyo <b>G. ROGELIO C. PASCUAL</b> Pambayang Tanggapan ng Pagpaplanong at Pagpapaunlad <b>DR. CECILIA S. MARAMBA</b> Pambayang Tanggapan ng Kalusugan <b>G. HILARIO L. FRANCISCO</b> Pambayang Tanggapan ng Pagsasaka <b>G. ISMAEL B. SANTIAGO</b> Opisyal sa Pangangasiwa ng Pamahalaang Lokal





Republika ng Pilipinas  
Lalawigan ng Bulacan  
**BAYAN NG MARILAO**

# Tanggapan ng Punong Bayan

## Atas Tagapagpaganap Blg. 2020 - 12

Nag-aatas sa Reorganisasyon ng "Local Price Coordinating Council (LPCC)"  
sa Pamahalaang Bayan ng Marilao, Lalawigan ng Bulacan  
Pahina 2 ng 2

**SEKSYON 2. MGA TUNGKULIN AT RESPONSABILIDAD.** - Ang LPCC ay gaganap sa mga tungkulin at responsibilidad gaya ng mga sumusunod:

- Makipag-ugnayan at magpatupad ng mga programa para sa makatwirang *local supply* sa bayan ng Marilao;
- Magbigay ng rekomendasyon sa *National Price Coordinating Council* o mga kaugnay na ahensya hinggil sa *Suggested Retail Price (SRP)* at/o *price ceiling* sa bayan ng Marilao;
- Magtatag ng mga mekanismo upang mas madaling maprotektahan ang mga mamimili mula sa hindi sapat na suplay at hindi makatwirang pagtaas ng presyo lalo na sa panahon ng kalamidad o iba pang *emergency* na mga kaganapan;
- Magbigay ng naaangkop na parusa para sa iligal na pagmamanipla ng presyo at iba pang mga paglabag sa *Price Act*; at
- Magsagawa ng iba pang mga kaugnay na gawain ayon sa hinihingi ng pagkakataon o sa tagubilin ng Punong Bayan.

**SEKSYON 3. PAGPUNO SA BAKANTE.** Ang anumang bakante sa pagiging kasapi ng LPCC ay awtomatikong mapupuno ng kahalili na napili o hinirang ng Punong Bayan, at gaganap sa kasalukuyang termino. Ang pangalan ng kahalili ay *ipso facto* na kasama sa **Seksyon 1** ng Atas Tagapagpaganap na ito.

**SEKSYON 4. SUGNAY NG PAGKAKAHIWALAY.** Kung, sa anumang kadahilanan, ang anumang bahagi o probisyon ng Atas Tagapagpaganap na ito ay natagpuan na hindi naaayon sa Konstitusyon, ang iba pang mga bahagi o probisyon nito na hindi apektado ay magpapatuloy.

**SEKSYON 5. SUGNAY NG PAGWAWALANG BISA AT PAGBABAGO.** Ang lahat ng iba pang mga atas, mga patakaran, mga regulasyon o mga bahagi nito na hindi naaayon sa Atas Tagapagpaganap na ito ay pinapawalang-bisa o binabago nang naaayon.

**SEKSYON 6. PAGKAKABISANG SUGNAY.** Ang Atas Tagapagpaganap na ito ay magkakabisang kagyat.

**NILAGDAAN** sa Bayan ng Marilao, Lalawigan ng Bulacan, ngayong ika-17 ng **Marso**, sa taon ng Ating Panginoon, dalawang libo dalawampu.

(SGD.) **RICARDO M. SILVESTRE**  
Punong Bayan

